

Date – 24/02/2026

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Chief Minister Pu Lalduhoma'n Aizawl traffic tawt tih ziaawm nan Assam Rifle chhuahsan tak ram chu hman tangkai an tum tih a sawi.
2. Home Minister Pu K Sapdanga'n Smuggling tihtawp a nih theih nan sawrkar in hma a lak reng thu a sawi.
3. Sawrkar laipui chuan firfiakte do dan tur policy thar PRAHAAR a tlangzarh.
4. Sawrkar laipui chuan Padhan Mantri Awas Yojana-Urban 2.0 hnuaiah chenna in nuai 2 sing 8 leh sang 8 chuang sakna tur phalna a pechhuak.



CM

Chief Minister Pu Lalduhoma'n Aizawl traffic tawt lutuk a lo ziaawm theih nan Assam Rifle chhuahsan tak ram chu tuna kawngpui awmsa zauh nan leh lirthei hunna tur siam nan ruahman an tum tih a sawi.

He thu hi nimin Assembly thutkhawma zawhna leh chhanna hunah sawiin, Aizawl traffic tawt tih ziaawm nan Bazar Bungkawn atangin Treasury Square kawng tihzauh tum a ni a, Saron Venga BCM Biak In atanga Dak Inpui a rawn chhuak turin bypass road ruahman a ni bawk a ti a. Motor Parking area pawh siam tum a nih thu a sawi.

Home Minister Pu K. Sapdanga pawhin ziaka zawhna chhangin Traffic tawt tih ziaawm na tura tun dinhmuna Aizawl khawpui chhunga HMV tlan luh theih hun zan dar 8 atanga zing dar 7 inkar an ruahman chu a la tha bera ngaih a nih thu leh a tul dan anga tih danglam theih a nih thu a sawi a ni.



SESSION CM RAILWAY COMPENSATION

Chief Minister, Pu Lalduhoma'n Railway in Bairabi- Sairang rel kawng atana ram a laksakte Compensation pek tura Sorkar-in a pawmte hnenah compensation an dawn tur angte pek chhuah vek tawh a ni tih a sawi.

Assembly Session-a ziaka zawhna a chhannaah GAD changtu Chief Minister, Pu Lalduhoma chuan Aizawl District Huam chhunga Railways Compensation Award

vawihnih an siam leh Kolasib District huam chhunga Railway-in Bairabi to Sairang rel kawng atana ram laksakte compensation pek tur chu State Sorkar chuan a dawng vek tawh a. Aizawl District-ah chuan Compensation dawn zawng zawng zat cheng vbc 243, nuai 83, sing 8, sang 1,046 a nih thu leh Kolasib District-ah Compensation Award cheng vbc 66, nuai 80, sing 3, sang 4,518 pek chhuah tawh a ti a. Heng bakah hian court kaltlanga land owners ten land value leh interest an lak tawh zawng zawng chu cheng vbc 221, nuai 33, sing 4, sang 6,048 a ni tih sawiin, Compensation pek tura Sorkar-in a approved tawhte hnenah compensation an dawn tur angte pek chhuah vek a nih tawh thu a sawi a ni.



ASSEMBLY SESSION

Home Minister Pu K Sapdanga'n Smuggling tihtawp a nih theih nan sawrkar in hma a lak reng thu a sawi.

Assembly Session a zawhna ziaka chhangin Home Minister Pu K Sapdanga chuan Mizoram chhunga smuggling ah hian dan lova ruihhlo leh kuhva tawlhruk a hluar ber a, a bik takin dan lova ruihhlo lo lut mek zel te chu ti tawp turin sorkar ian theihtawp chhuahin hma a la mek a ti a, khawchhak atanga Mizorama ruihhlo lo lut tur te chu dangchat turin ruihlo do beihpui an thlak thu sawiin ramri hrul hmun engemaw zatah Police leh khawtlang tangrualin ruihhlo lo lut tur venhim hna an thawh mek a ti a ni.

Home Minister chuan District tinah District Magistrate kaihhruainain ruihhlo do beihpui an thlak thu a sawi a, he hmalakna hi nikum spet ni 1 atanga tan niin ruihlo manna kawngah nasa taka a puih avangin duty hi kumin March ni 31 thleng pawhsei anih thu a sawi.

Hei bakah hian Home Minister chuan dan lova ramdang atanga Mizoram chhung leh Mizoram kaltlanga kuhva rah tawlhruk chu tihtawp a nih theih nan Mizoram sorkar chuan hma a lak chhunzawm reng thu a sawi a, Mizoram Police te pawhin Police check gate a duty mai bakah a hranpa a patrolling te neiin uluk takin kuhva tawlhruk a awm leh awm loh an thlithlai reng thu a sawiin , District Magistrate te'n kuhva tawlhruk khapa thupek an chhuah thu a sawi bawk a ni.



HOME MINISTER

Home Minister Pu K. Sapdanga'n Vairengte leh a chhehvel kudam atanga Sorkar chhinchhiah thlap tawh khawih chet tawh loh tura tih kuhva ro bag 9,635 atanga bag 5,741 bo chu tun thlengin hmuhchhuah a la ni lo tih a sawi.

Home Minister Pu K Sapdanga chuan Assembly thutkhawmah ziaka zawhna chhangin kuhva mansa bo then chungchangah hian man an la awm loh avangin tu chungah mah action lak a ni lova, Kudam neitute lakah Criminal Complaint case 24 thehluh a ni thung tih a sawi a.

Hei bakah hian Home Minister chuan kum 2023 atang khan Mizoram ramri-a Mizoram Police te'n check gate an enkawlah te Police duty-te chu pawisa khawn lo turin thupek khauh tak an siam a, thupek hi theihtawpin an kengkawh reng a ti a,

kum 2025 chung khan hetiang a Police check-gate a Police mi leh sa pawisa lo dawng mi paruk hriatchhuah an ni a, heng mi paruk te hi dan anga hremna pek an nih thu a sawi bawk a ni.



ASSEMBLY-JAIL

Home Minister Pu K Sapdanga'n SASCI kaltlangin Aizawl Central Jail leh Jail dang 7 sak that hna thawh mek a ni a ti.

Assembly Session-ah ziaka zawhna chhangin, Home Minister chuan Sasci kaltlangin cheng vbc 55e an hmuh thu sawiin heng an pawisa hmuh hmang hian Central Jail, Aizawl leh jail dang 7 thawmthat hna an thawk mek a, hei bakah hian jail tangte zirna ' Computer Training Centre ' siamna tur atan sawrkarah cheng nuai 15 an dil chu an hmuh tawh thu sawiin, computer hi Jail hrang hrangah semchhuah anih tawh thu a sawi bawk. Central Jail C4 Ward ah khumchhawng dah a ni a, hei hian Ward a lengzat a tihpun thu a sawi a, Central Women's Jail Aizawl leh Jail dang zawng zawng a hmeichhia tan theihna-ah Western toilet dah vek a nih tawh thu a sawi bawk.

Home Minister chuan India rampuma dan thar Criminal Law hman a nih tak avangin Section 350 of BNSS ina a sawi anga Jail tangte Court kal ngai lova Jail atanga Video Conferencing (VC) hmanga Court tura hmalak ani thu a sawi a, Sorkar-ah sum dil niin cheng nuai 24- hmuh a ni a , heng an pawisa hmuhte hi Jail tinah semchhuah tawh niin Court hi Video Conferencing hmanga neih theih a ni tawh a ni a ti a, District Court te nen hma an lak mek thu a sawi a ni. Heng bakah huan Jail staff indaihlohna phuhruk nan Jail Warder – 10, LDC – 3 leh Group D – 10 lakna tur atana Sorkar-in phalna a pek tawh thu a sawi a, hna lak hi kumin chungza zawh tum a nih thu a sawi.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



SIALKAL RANGE BILL

Nimin Assembly thutkhawmah Sialkal Range Development Council Bill, 2026 chu Select committee-ah siamthat ngai te siamtha turin House-in a pass.

Sialkal Range Development Council Bill, 2026 puluttu Chief Minister Pu Lalduhoma chuan he bill in a huamchhungah khaw 6 awmin, 4 chu Saitual district huamchhungah a awm a, 2 dang chu Champhai district-ah a awm a, MLA bial pahnihah a awm ve ve bawk avangin MLA Bial pakhat leh District pakhat hmuaiyah

awm thei se a duhawm hle a ti a. He bill ah hian sorkar hmasa in draft a lo duan sa tawh chu ringin tlem an tidanglam a ti a, a danglam nasa ber tur chu khaw 6 a VC te member a rin nghal mai leh MLA chairman a awm mai kha ni tawh lovin, member paruk te chu mahni khua theuhah an thlang tawh dawn a, a voter te chu MLA inthlana voter te an ni dawn a, State Election Commission buaipuina hnuaiah an inthlang ang. Elected member 6 an awm ang a, pakhat dang chu sorkarin nominated member a siam ve thung dawn a ti a. Member thlan chhuahte chuan an zing atangin Chief Executive member leh executive member tur pakhat ve ve an thlang ang a, 5 dangte chu member an ni dawn a ni. Mibung chu official headquarter tur a ni a, BDO aia hniam lo secretary ah hman tur tih a ni bawk a ni.

He bill hi member hrang hrangin an sawi ho hnuaiah a puluttu Chief Minister Pu Lalduhoma chuan member ten thil fel lo lai ni-a an sawi te enfiaha siamthat ngaite siamtha turin Select committee-ah refer turin rawtna a siam a, he rawtna hi House chuan lungrual takin a pawm a ni.



PRAHAAR

Sawrkar laipui chuan firfiakte do dan tur policy thar PRAHAAR a tlangzarh. Union Home Ministry chuan he policy thar hi nimin khan ti chhuakin firfiakte chetna awmchho zel huamzau taka do tur leh ngaihtuahna thar nena lo ven leh do letna tur a ni. India chuan khawvel pumah firfiaka chetna zau zawka hriatfiah anih theih nan leh firfiakte pawikhawih tuartute chanvo hriat chian anih theih nan zau taka hmalak a tum a. PRAHAAR hmang hian firfiakte chetna zawng zawng pawikhawihnaah puang a, sum hmanga tanpuite, ralthuam hmanga puiah leh an inhumhimna tura lo mikhualtute pawh firfiaka chetna huangah dah vek a tum a. Heng bakah hian Information and Communication Technology hmanga firfiakte pawikhawihna pawh veng turin theihtawp chhuah a tum a ni.



PMAY

Sawrkar laipui chuan Padhan Mantri Awas Yojana-Urban 2.0 hnuaiah chenna in nuai 2 sing 8 leh sang 8 chuang sakna tur phalna a pechhuak. Nimin khan Central Sanctioning and Monitoring Committee chu New Delhi ah thukhawmin PMAY-Urban 2.0 atana rawtna hi an pawm a. State leh UT 16 te hnenah insak tanpuina hi pek a ni ang. Tun tuma PMAY Urban 2.0 atana thlante zingah hian Andhra Pradesh, Arunachal Pradesh, Chhattisgarh, Gujarat leh Jammu and Kashmir te pawh an tel a. Sawrkar thuchhuah danin he scheme hnuaiah hian chenna in sak tanpuina hi nuai 13 sing 6 leh sang 1 chuang pek chhuah tawh a ni a. Sawrkar chuan khawpuia cheng mi retheiten chenna in tha leh man tlawm an neih theih nan sawrkar chuan theih tawp a chhuah a ni

